



Pwosesis Pou Fè Apèl

Sekirite Sosyal vle asire tout desizyon ki pran sou demann Sekirite Sosyal ou oswa sou demann Revni Sekirite Siplementè ou (SSI) kòrèk. Nou konsidere avèk prekosyon tout enfòmasyon ki nan dosye ou anvan nou pran desizyon ki afekte elijiblite ou oswa kantite lajan benefis ou.

Lè nou pran yon desizyon sou demann ou, n ap voye yon lèt ba ou pou eksplike w desizyon nou an. Si w pa dakò avèk desizyon nou an, ou ka fè apèl—ki se yon fason pou mande ou pou gade dosye w la ankò.

Lè w mande pou gen yon apèl, n ap gade tout desizyon an nèt, menm pati ki te anfavè ou yo. Si desizyon nou an pa t bon, n ap chanje li.

Kilè ak kouman mwen ka fè apèl?

Si w deside fè apèl, ou dwe fè demann ou alekri nan 60 jou ki vin apre dat ou resevwa lèt nou. Nou sipoze ou resevwa lèt la senk (5) jou apre dat ki sou lèt la, sof si ou ka montre nou ou resevwa li pita. Rele biwo lokal Sekirite Sosyal ou si w bezwen èd pou fè apèl.

Konbyen nivo apèl ki genyen?

Anjeneral, gen kat (4) nivo apèl. Men yo:

- Rekonsiderasyon;
- Yon jij lalwa administratif prezide Odyans lan;
- Konsèy Apèl fè revizyon an; epi
- Revizyon nan Tribunal Federal.

Lè nou voye yon lèt ba ou konsènan yon desizyon sou demann ou, n ap fè w konnen fason pou w fè apèl kont desizyon an.

Rekonsiderasyon

Yon rekonsiderasyon se yon revizyon okonplè yon moun fè sou demann ou an. Moun sa a pa t patisipe nan premye desizyon an. N ap gade tout prèv ki te soumèt lè nou te pran premye desizyon an, plis nenpòt prèv nouvo.

Pifò rekonsiderasyon konsène yon revizyon dosye ou yo san w pa bezwen preznan. Men lè w fè apèl kont yon desizyon, ou pa elijib ankò pou resevwa benefis andikap paske eta sante amelyore, ou ka rankontre avèk yon reprezantan Sekirite Sosyal pou w eksplike rezon pouki ou toujou kwè ou gen yon andikap.

Odyans

Si w pa dakò avèk desizyon rekonsiderasyon an, ou ka mande pou gen yon odyans. Se yon jij lalwa administratif k ap prezide odyans lan. Jij sa a pa t patisipe nan premye desizyon oswa nan rekonsiderasyon dosye ou.

Anjeneral, odyans lan òganize a 75 mil de kay ou. Jij lalwa administratif la ap fè w konnen lè ak kote odyans lan ap fèt.

Ou menm ak reprezantan ou, si w gen youn, ka vini nan odyans lan pou eksplike dosye ou an pèsòn. Ou ka gade enfòmasyon ki nan dosye ou epi w ka ban nou nouvo enfòmasyon.

Jij lalwa administratif la ap kesyone ou menm ak nenpòt temwen ou mennen nan odyans lan. Lòt temwen, tankou espè medikal oswa espè pwofesyonèl, ka ban nou nouvo enfòmasyon tou nan odyans lan. Ou menm oswa reprezantan ou ka kesyone temwen yo tou.

Anjeneral, ou gen enterè patisipe nan odyans lan. Si w pa ta vle fè sa, ou dwe fè nou konnen alekri pou endike nou ou pa vle patisipe.

Nan sèten ka, nou ka òganize odyans lan nan konferans sou videoyo alaplas prezantasyon an pèsòn. N ap kite w konnen davans si se sa k ap fèt. Avèk odyans nan videoyo, nou ka fè odyans lan pi pre kay ou pou ou. Souvan yon aparans nan odyans sou videoyo a ka pwograme pi vit pase yon aparans an pèsòn. Epitou, yon odyans sou videoyo ka pi pre lakay ou. Sa ka pi fasil pou ou pou jwenn temwen oswa lòt moun pou akonpaye ou.

Sof si jij lalwa administratif la kwè prezans ou nesesè pou deside sou dosye a, l ap pran yon desizyon ki baze sou tout enfòmasyon ki nan dosye ou, avèk tou nenpòt nouvo enfòmasyon ou bay.

Apre odyans lan, n ap voye ba ou yon lèt ak yon kopi desizyon jij lalwa administratif la.

Konsèy Apèl

Si w pa dakò avèk desizyon odyans lan ou ka mande pou Konsèy Apèl Sekirite Sosyal fè revizyon. N ap kontan pou ede w mande pou gen revizyon sa a.

Konsèy Apèl la ap gade tout demann revizyon yo, men li ka refize yon demann si li kwè desizyon odyans lan te kòrèk. Si Konsèy Apèl la deside revize dosye ou, l ap swa deside dosye ou poukонт li oswa retounen li ba yon jij lalwa administratif pou yon lòt revizyon.

Si Konsèy Apèl la refize demann ou fè pou revizyon an, n ap voye yon lèt ba ou pou eksplike ou refi a. Si Konsèy Apèl revize dosye ou epi li pran yon desizyon poukout li, n ap voye yon kopi desizyon an ba ou. Si Konsèy Apèl la retounen dosye ou ba yon jij lalwa administratif, n ap voye yon lèt ak yon kopi desizyon an ba ou.

Tribinal Federal

Si w pa dakò avèk desizyon Konsèy Apèl la oswa si Konsèy Apèl la deside pou li pa revize dosye ou, ou ka entante yon pwosè nan yon tribal federal. Lèt n ap voye ba ou konsènan desizyon Konsèy Apèl la ap fè w konnen tou fason pou mande yon tribal pou gade dosye ou.

Èske benefis mwen yo ap kontinye?

Nan kèk ka, ou ka mande nou pou kontinye peye benefis ou pandan n ap pran yon desizyon sou apèl ou. Ou ka mande pou benefis yo kontinye lè:

- Ou fè apèl kont desizyon nou ki endike ou ka pa jwenn benefis andikap Sekirite Sosyal ankò paske eta sante ou pa montre andikap; oswa
- Ou fè apèl kont desizyon nou ki endike ou pa elijib ankò pou peman SSI oswa peman SSI ou ta dwe diminye oswa sispann.

Si w vle pou benefis ou yo kontinye, ou dwe fè nou konnen sa nan 10 jou ki vin apre dat ou resevwa lèt nou. Si apèl ou a rejte, ou ka gen pou remèt tout kantite lajan ou pa-t elijib pou resevwa.

Èske yon moun ka ede mwen?

Wi. Anpil moun regle pwòp apèl Sekirite Sosyal yo avèk èd gratis Sekirite Sosyal. Men ou ka chwazi yon avoka, yon zanmi oswa yon lòt moun pou ede ou. Moun ou deziyen pou ede ou a rele "reprezantan" ou. N ap travay avèk reprezantan ou menm jan nou ta travay avèk ou.

Reprezantan ou ka aji pou ou nan pifò afè Sekirite Sosyal epi l ap resevwa yon kopi nenpòt desizyon nou pran konsènan demann ou.

Reprezantan ou pa ka fè w peye ni mande w frè san w pa jwenn apwobasyon alekri Sekirite Sosyal dabò. Si w vle plis enfòmasyon sou fason pou jwenn yon reprezantan, kontakte nou pou biblikasyon, *Dwa W Pou W Gen Reprezantan* (Piblikasyon Nimewo 05-10075-HC) oswa ou ka jwenn li nan wèbsayt nou.

Kontakte Sekirite Sosyal

Pou plis enfòmasyon ak pou jwenn kopi biblikasyon nou yo, vizite wèbsayt nou nan www.socialsecurity.gov oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka réponn késyon espesifik epi ba ou enfòmasyon nan sèvis telefòn otomatik 24 èdtan pa jou.

Si w bezwen yon entèprèt pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye épi li ka pran yon randevou, si sa nesesè, pou ranpli yon fòm reklamasyon. Nou trete tout apèl yo avèk konfidansyalite. Nou Vle asire tou ou résésvwa sèvis egzat ak koutwa. Sepou rézon sa a nou genyen yon dezyèm reprezantan Sekirite Sosyal pou kontwole kèk apèl telefonik.

